

شيماء الصباغ ترثي نفسها

• انا مش حزينه

انا مش حزينه لأنى

موت و سبتكم..

..

و لا قولت مره

الرصاصه دى لعينه

علشان خدتنى منكم..

..

بالعكس انا عايشه فى فرح

والأمل اللى رميت يوم بذوره

خلاص طرح..

..

بس اللى واجع قلبى انه

باديكم انتم انجرح..

..

جايه و شايله الف ورده

و ف لحظه بارده

موت باديكم كلكم..

..

..

ارموا التهم

ارموا التهم على بعض



ياللا و وزعوا..

..

دمى ما بينكم و اغرسوا

بذور عداوه و ازرعوا..

اشجار جديده م الألم..

..

ابنوا حواجز دين ما بينكم

و علوا صوتكوم و العنوا

بذرة الحب اللى بينكم

فكروا

انا كنت لسه واحده منكم

و ف لحظه واحده بقيت عدم..

..

كل اللى فى حياتى اتعمل

شيفاه قصادى

ثورتى و غضبى و ذنوبى

و حبى لبلادى

بس اللى قصاى عيونى

ما كانش عادى

شيفاه باديكم كلكم

ويايا فى القبر اتردم...

مين فينا صح و مين غلط

مين قتل و مين قتيل..



مين فينا مات لاجل البلد
و مين بطل و مين عميل..

..

مين اللي شارى
يا بلدنا ضحككتك
و مين اللي حالف يحول
الصبح لليل..

..

انا سبتكم و خلاص مسافره
مؤمنه ..عاصيه
ناسيه ديني
او حتى كافره..

..

اللي ما بيني و بينكم
خلاص انتهى
و اللي بين ربي و بيني ابتدا..

..

و المكان اللي اترسم قدام عيوني
شيفاه ع المدا..

..

بس قبل اسمي ما يموت غريف
بين الاسامي..



• عايزه بس اقولكم

انا عشت منحازه لفريق

بفعلى و كلامى ..

..

و انهارده لما موت

و دمنى حامى ..

موت بادىكم كلكم ..

..

انا مش ؤحزينه لانى موت وسبتكم ...

